

欽定石渠寶笈續編

欽定石渠寶笈續編

第六十三

淳化軒藏二

皇上御筆書畫二

御筆湯武論一卷

本幅端本堂箋本。有八分金書紙印。縱八寸一分。橫

二尺四寸。行書。

湯武論。世之論湯武者。多是湯而非武王。亦有曲為武王解者。曲為武王解者。莫若王柏之

書疑其言以為周之以王自處久矣故其辭迫其禮傲勢使之然。審如是則殷未滅而周先自王。益見其非。此不必論。即是湯而非武王者。多以湯放桀。武王斬紂為優劣之分。然武之斬紂實不見於書。而見於史記。史記好奇乖舛。以是右武王者。得以闢史記之蹊。而以証武王之為有其事。予以為史記固不足徵。而足徵者仍莫過於書。湯之言曰。非台小子敢行稱亂。又曰。予

恐來世以台為口實。何其恭也。武之言曰。我伐
用張。于湯有光。又曰。撫我則后。虐我則讐。何其
矜也。且湯放桀之後。天下晏然。即太甲自底不
類。伊尹放之于桐。亦未聞有乘時構亂。為夏反
正者。何則。湯之德人人者深也。武王甫喪而三
叔之流言。且生於閭閻。邦君御事。或贊其違。卜
比事觀辭。不且章章易明乎。予故曰。徵之書。足
以見湯武之優劣。固不必信史記過甚之辭。始

定其為武之不及湯也。丙戌夏御筆。鈐寶四
學鏡千古。乾隆涵虛朗鑑。

引首

御筆。義徵誓誥。鈐寶一。乾隆宸翰。

鑒藏寶璽。淳化軒。淳化軒圖書珍秘寶。乾隆宸翰。
信天主人。五福五代堂古稀天子寶。八徵耄念
之寶。愛竹學心虛。月明滿地相思長。春園寶。淳
化軒寶。石渠寶笈所藏。

御筆玉璞抵鵲說一卷

〔本幅〕蠟牋本。縱八寸。橫一尺八寸。行書。

玉璞抵鵲說。桓寬鹽鐵論稱中國所鮮。外國賤之。崑山之旁。以玉璞抵烏鵲云云。初讀之以為玉璞非抵鵲之物。而鵲亦可以不抵。此不過舉烏有之事。喻貴人之所賤。不足以厚中國明盛德耳。今乃知識有其事。而惜寬之未詳言之也。蓋玉出和闐。和闐即崑山之旁支也。和闐之

人備侍衛者有之。問以鵲名。則回語亦有之。且稱回部諸城皆有鵲。而和闐獨無。詰其故。則云傳自古昔。和闐之地。不可有鵲。有鵲必致刀兵。地不寧。年不豐。是以和闐之人。見鵲必抵之。蓋抵之之方不一。玉璞初非彼所貴。以之抵鵲。誠或有之。是則寬之說不無有自來。而惜未詳言其故耳。夫讀古人之書。豈可以粗心浮氣遇之。而率以評人之是非也哉。如抵鵲之事。非和闐

人自述。將終古無知。寬之言為非謬者。予故詳著斯說。以為鹽鐵論之注。丙戌夏月。御筆。鈐寶四。學鏡千古。乾隆用筆在心。

引首

御筆。論數次公。鈐寶一。乾隆宸翰。

鑒藏寶璽。淳化軒。淳化軒圖書珍秘寶。乾隆宸翰。信天主人。五福五代堂古稀天子寶。八徵耄念之寶。落花滿地皆文章。浴德。長春園寶。淳化軒。

寶石渠寶笈所藏。

御筆關鹿賦 一冊

本幅蠟牋本。九對幅。每幅縱六寸六分。橫三寸。行書。

關鹿賦

序有

或問哨鹿之義。已具於前後二賦。

若夫鹿之所以致哨。其義亦得聞乎。曰善哉問。蘇子不云乎。物必先腐也。而後蟲生之。人必先疑也。而後讒入之。鹿不相哨。何以致人之哨哉。而其相哨也。以關。作關鹿賦。其辭曰。有八義。


之角獸。當五月而解舊。既新茸之漸生。至仲秋而始就。其角之未就也。牡自牡而牝自牝。其角之既就也。牝隨牡而牡相鬪。其牡自牡而牝自牝也。有男女異路之風。其牝隨牡而牡相鬪也。有夫妻相庇之救。雖或以豪相效。以力相寇。諒其事則無曲。故其義有可究。然鹿之相鬪也。不於九衢之市。不於百畝之田。必其深深林裏。迴迴山巔。車馬之所不至。虎豹之所遠遷。於是呼

羣別隊防後突前互爭雄而較力不略遜而頓
旋雖獵騎亦罕遇則文士固無從而見焉吾嘗
從山莊而遊矣是地也雖避暑之離宮實絕塵
之仙境外遮邏以延城中聳峙以峻嶺陡澗冷
而泉清虛谷深而林靜於是麋麋之族祁祁之
等既日孳而日繁迺時背而時並夫其寥寥秋
令雪雪金颺景清兮氣霽巖額兮峯峯值萬幾
之餘暇攜數騎而相隨或捨馬以更進豈由鹿

之為欺。則見兩雄賈勇。誇匹敵強。角如戈利。目似電光。蹠卓立以擇勝。胃憑怒以當場。奎踞則林壑為之搖蕩。嚶咿則風露為之飛揚。竦體則高膺鶚厲。待觸則強項蜩張。九天九地之機莫窮其壯。三出三入之態愈奮其剛。吾因之思其神趣。觀其猛勢。而從禽之意。有時而相忘。雖然。鹿之鬪也。可見。人之鬪也。難知。彼其卒然相鳴。悍然相持。是即鬪而已矣。亦易得而窺之。若乃

機械巧構。城府深為笑中之刀。莫測暗裏之弄。
不期翻手雲而覆手雨。谷可陵而岸可池。其闢
也。固不若鹿之聲色相陵。而吾實有感於斯。
丁亥季秋。駐蹕避暑山莊作。是月迴鑾。書於養
心殿之三希堂御筆。并識鈐寶三。乾隆靜中觀
造化。

鑒藏寶璽。古希天子。五福五代堂。古稀天子寶。八
徵耄念之寶。石渠寶笈所藏。



御筆寫生花卉 一卷

本幅宣紙本。縱七寸。橫五尺五分。水墨畫。
梅花。二。蘭。三。杏花。四。刺蘼。五。桃花。六。海棠。七。
牡丹。八。金盞。九。梔子花。十。石竹。十一。魚兒牡
丹。十二。蝴蝶花。款。

戊子仲春。畫禪室御筆。鈐寶四。乾隆宸翰。幾暇
臨池。如水如鏡。筆花春雨。

引首

御筆。得化工意。鈐寶一。乾隆宸翰。

鑒藏寶璽。淳化軒。淳化軒圖書珍秘寶。乾隆宸翰。
信天主人。五福五代堂古稀天子寶。八徵耄念
之寶。樂意寓靜觀。薈物。潑墨寫生。長春園寶。淳
化軒寶。石渠寶笈所藏。

御臨蘇軾清虛堂雪詩 一卷

本幅灑金牋本。縱七寸二分。橫五尺八寸五分。行書。興隆節侍燕前一日。微雪。舍弟子由同訪定國。清虛堂小飲。坐中出近詩數十首。皆清絕。而五言尤奇。子由又與約巨源輩同過定國。今幾年矣。夜歸稍醒。作此詩。明日燕殿門外。當以示定國。天風淅淅吹玉沙。詔恩歸沐休早衙。遙知清虛堂裏雪。正似蒼

蔔林中花。出門自笑無所詣。呼酒持勸惟君
家。踏冰凌兢戰疲馬。扣門剝啄驚寒鴉。吾儕
三昧入詩律。坐看五字飛天葩。銀瓶瀉油浮
蟻酒。紫盃鋪粟盤龍茶。幅巾自作鴈鴒舞。畫
鼓惟摻漁陽撾。頭風已倩檄手愈。背癢恰得
仙爪爬。九衢燈火雜夢寐。百年聚散同咨嗟。
明朝相見殿門外。共看銀闕瞰晨霞。歎。

蘓軾清虛堂雪詩。戊子季夏月上澣。御臨鈴寶。

二。乾隆宸翰。落紙雲烟。

引首

御筆。雪泥印契。鈐寶一。乾隆宸翰。

鑒藏寶璽。淳化軒。淳化軒圖書珍秘寶。乾隆宸翰。
信天主人。五福五代堂古稀天子寶。八徵耄念
之寶。大塊假我以文章。成性存存。長春園寶。淳
化軒寶。石渠寶笈所藏。

御臨蘇軾煙江疊嶂圖詩一卷

〔本幅〕金粟牋本。縱七寸一分。橫四尺七寸八分。行書。

臨蘇軾煙江疊嶂圖詩

見乾清宮所藏趙孟頫書蘇軾煙江疊嶂圖詩卷

蘇軾題畫詩帖。戊子季夏月上澣。御臨鈐寶二所寶惟賢。乾隆御筆。

〔引首〕

御筆。會意雲烟。鈐寶一。乾隆宸翰。

鑒藏寶璽。淳化軒。淳化軒圖書珍秘寶。乾隆宸翰。
信天主人。五福五代堂寶。八徵耄念之寶。寫心。
涵養用敬。長春園寶。淳化軒寶。石渠寶笈所藏。



御筆讀嚴光傳 一冊

〔本幅〕灑金牋本。四對幅。每幅縱四寸六分。橫三寸三分。行書。

讀嚴光傳

見

寧壽宮所藏御筆讀嚴光傳卷

戊子秋日御筆

鈐寶三。叢雲。乾隆宸翰。幾暇臨池。

鑒藏寶璽。淳化軒。淳化軒圖書珍秘寶。乾隆宸翰。

信天主人。古希天子八徵耄念之寶。長春園寶。淳化軒寶。石渠寶笈所藏。

御筆鄂博說 一卷

〔本幅〕粉牋本。縱七寸六分。橫一尺八寸。行書。
鄂博說。昨命直隸總督方觀承。考灤河濡水
之源。茲具圖以來。稱濡之源。出獨石口東北。斯
已得其梗概。待清暇詳為之考證。而記之。獨其
中有濡經察汗我軼之語。引鄭氏及詩大雅之
言。以證為軼祭行路神之義。則失之遠矣。夫我
為我平聲。非鄂音。而軼則音拔。與博韻更吳越。


不同。徒以石之嵯峨及載祭取義實曲為穿鑿
矣。夫鄂博乃蒙古語為堆砌之義。堆砌石以表
祭處。蒙古固不知大雅及鄭氏之說也。即鄂博
字略近。亦不過對音書之有何取義於其間哉。
且蒙古謂山為敖拉。謂水為烏蘇。如此者奚啻
千萬。豈能一一為之以漢文而明蒙古之義哉。
一地名即舛誤如是。則所云尺寸度而道里考
者。亦恐有差以豪釐而謬以千里者多矣。故必

待一再詳審。然後可定其真而先為之說如右。
戊子九秋月。御筆。鈐寶三。三希堂。乾隆。

引首

御筆。釐音糾鑿。鈐寶一。乾隆宸翰。

鑒藏寶璽。淳化軒。淳化軒圖書珍秘寶。乾隆宸翰。
信天主人。五福五代堂寶。八徵耄念之寶。游六
藝圃。意在筆先。長春園寶。淳化軒寶。石渠寶笈
所藏。



御筆書諸葛亮傳七縱七禽事 一卷

本幅粉牋本。縱八寸二分。橫三尺六分。行書。
書諸葛亮傳七縱七禽事。諸葛亮本王佐材。
而世或謂其事為神奇。不折衷於正道。致使鹽
梅匡濟之器。流而為黃冠術士之儔。則一失之
於陳壽之挾讐多貶詞。一失之於裴松之之無
學濫引注。怪哉史筆已難得。而付之挾讐無學
之流。則其事尚可問哉。且以覓米不與。即不為

立傳之人。而望其能通世理。具正辭。以紀如管
樂器人之本末心蹟。不猶北轅而適越乎。諸葛
亮之事。不可枚舉。即如先主永安數語。孫盛已
斥其非。是茲姑弗論。其征孟獲也。正傳謂三年
春。亮率衆南征。其秋悉平。軍資所出。國以富饒。
夫亮之表。固云深入不毛矣。彼不毛之地。何致
出軍資而饒國計。至於裴松之引習鑿齒漢晉
春秋為注。乃云七縱七禽之。夫一陣之頃。固無

七縱七禽之理。若縱之去而復為陣戰以禽之。則蠻烟瘴嶺之間。如是七往返。勢必曠日持久。何能春出而秋還。亮之表又云。並日而食矣。三軍儲峙。何所取資。此實事之必無。而世反以此訝之為至神。仰以為至奇。耳食口傳。羣然不以為怪。至於亮之扶持危國。鞠躬盡瘁。以事其主之誠。或鮮豔稱者。豈非陳壽裴松之之罪哉。嗚呼。讀史者。其能具卓識。酌正理。不為遊辭所誤。

者亦實希矣。己丑仲春上澣御筆鈐寶三靜
中觀造化。乾隆。

引首

御筆。衷理斥誣。鈐寶一。乾隆宸翰。

鑒藏寶璽。淳化軒。淳化軒圖書珍祕寶。乾隆宸翰。
信天主人。五福五代堂古稀天子寶。八徵耄念
之寶。千潭月印。掬水月在手。長春園寶。淳化軒
寶。石渠寶笈所藏。

御筆平定準噶爾方畧序 一卷

〔本幅〕粉牋本。縱八寸二分。橫三尺五寸九分。行書。

平定準噶爾方畧序 平定準噶爾方畧書成
纂言者以序請。夫序者。所以敘其事之本末。而
因文以悉其肯綮也。事之本末。則方畧三編盡
之矣。太學之碑。磨崖之銘。西師之詩。開感之論。
亦既悉其肯綮矣。如是則可以不煩重序。雖然。

五年之間。大勲兩集。又十年而後書成。是不可
以無序。且朔漠金川。前例具在也。乃允其請而
為之序曰。功不可以虛成。名不可以偽立。幸不
可以屢徵。志不可以少侈。夫用兵中國。自古為
難。而況踰沙漠。天山萬里而遙乎。盱斯宵斯。劬
劬以至有成。功非虛而名非偽。是僅可免後人
之指摘耳。若夫揚揚自詡。以為誠。若能操必勝
之券。則不惟致物議而貽口實。於心亦誠慙若

也。藉衆之力。幸底於績。然我士卒之櫻鋒鏑者。不為少矣。故此書之輯。率因忠魂義魄。不忍令其泯沒無聞。具載以誌之。而猶不在於擴土開疆之為也。既平準噶爾。延及回部。悉主悉臣。耕作賦役興焉。此亦一再徼幸矣。而猶不自知足。欲屢試我銳。而別有圖。是志侈也。志侈者不祥。故近日撤征緬之旨。甫降。而彼適投誠。我兵振旅以還。告成事焉。此非盈虛消息之理。捷若響。

應乎是則此序之作。不惟迴思而若有驚。亦且永圖而懷有戒也。乾隆三十五年庚寅仲春月吉。御筆。鈐寶二。乾隆宸翰得象外意。

鑒藏寶璽。淳化軒。淳化軒圖書珍秘寶。乾隆宸翰。信天主人。五福五代堂寶。八徵耄念之寶。己有同春。用筆在心。長春園寶。淳化軒寶。石渠寶笈所藏。

御筆書程頤論經筵劄子後 一卷

本幅 昭仁殿牋本。有八分 縱八寸。橫二尺二

寸二分。行書。

書程頤論經筵劄子後。程頤論經筵劄子凡

數上。無不剴切詳明。引經據史。可謂上不負其

君。下不負所學矣。獨其貼黃所云。天下治亂繫

宰相。君德成就責經筵二語。吾以為未盡善焉。

蓋君德成就責經筵是矣。然期君德之成就。非


以繫天下之治亂乎。君德成則天下治。君德不成則天下亂。此古今之通論也。若如頤所言。是視君德與天下之治亂為二事。漠不相關者。豈可乎。而以繫之宰相。夫用宰相者。非人君其誰為之。使為人君者。但深居高處。自脩其德。惟以天下之治亂付之宰相。已不過問。幸而所用若韓范。猶不免有上殿之相。幸而不幸而所用若王呂。天下豈有不亂者。此不可也。且使為宰相。

者。居然以天下之治亂為己任。而目無其君。此尤大不可也。庚寅長夏月。御筆。鈐寶二。乾隆。

引首

御筆。論探治本。鈐寶一。乾隆宸翰。

鑒藏寶璽。淳化軒。淳化軒圖書珍秘寶。乾隆宸翰。信天主人。五福五代堂寶。八徵耄念之寶。學鏡千古。如古舍今。長春園寶。淳化軒寶。石渠寶笈所藏。



御筆仿趙孟頫蘆葦鴛鴦一卷

本幅宣紙本。縱八寸一分。橫一尺六寸。水墨畫葦灘樓鴛鴦款。

庚寅長夏。仿趙孟頫筆意於池上居。鈐寶一。乾隆宸翰。

鑒藏寶璽淳化軒。淳化軒圖書珍秘寶。乾隆宸翰。信天主人。五福五代堂寶。八徵耄念之寶。靜中觀造化。垂露漱芳潤。絜矩長春園寶。淳化軒寶。

石渠寶笈所藏。

御筆書司空圖論封建事 一卷

〔本幅〕宋蠟牋本。縱七寸五分。橫二尺。行書。

書司空圖論封建事。王應麟著。因學紀聞。其
攷史類有云。司空圖謂房瑄建親王分鎮天下
議。肅宗以是疑瑄。受譏廢。先是安祿山見分鎮
詔書。拊膺歎曰。吾不得天下矣。夫明皇雖從瑄
議。何嘗免西蜀之幸。長安之陷。若瑄之得罪實
以誤用古戰法。敗於陳濤斜。其時帝雖恨瑄喪


師春任未衰。後始以挾黨背公。出為刺史。則瑄之廢。乃有以自取。豈因賀蘭進明之譖哉。蓋分鎮即封建之意。司空圖猶惑於劉頌封建之說。且阿其所好。遂以為瑄廢被屈耳。封建之不可行。柳宗元蘇軾言之詳矣。茲不復論。獨論司空圖之不達事理。未免揜不善以著其善。而王應麟採而錄之。津津然若有惜乎瑄之去者。雖善善欲長之義哉。然未免重耳食而無目光矣。

庚寅季夏御筆鈐寶二乾隆

引首

御筆折衷鏡古鈐寶一乾隆宸翰

鑒藏寶璽淳化軒淳化軒圖書珍秘寶乾隆宸翰
信天主人五福五代堂古稀天子寶八徵耄念
之寶中心止水靜化工四氣為全施長春園寶
淳化軒寶石渠寶笈所藏



御筆仿王穀祥雪景 一卷

〔本幅〕宣紙本。縱八寸一分。橫二尺九寸四分。
潑墨畫雪景。款。

王穀祥嘗仿夏森法作小冊。其風雪歸人。自覺
寒凝滿目。暑中展臨此幅。不啻對北風圖也。

庚寅六月下澣。御筆。鈐寶一。乾隆宸翰。

〔引首〕

御筆。朗映寒輝。鈐寶一。乾隆宸翰。

鑒藏寶璽淳化軒圖書珍秘寶乾隆宸翰
信天主人五福五代堂古稀天子寶八徵耄念
之寶天根月窟取益在廣求意在筆先水月兩
澈明煙雲舒卷長春園寶淳化軒寶石渠寶笈
所藏

御筆仿龔開駿骨圖 一卷

〔本幅〕宣紙本。縱八寸一分。橫二尺一寸三分。
水墨畫瘦馬一。款。

石渠寶笈藏龔開駿骨圖。展開因仿其意 庚
寅新秋。御筆。鈐寶一。乾隆宸翰。

〔引首〕

御筆。神駿如傳。鈐寶一。乾隆宸翰。

鑒藏寶璽。淳化軒。淳化軒圖書珍秘寶。乾隆宸翰。

信天主人。五福五代堂古稀天子寶。八徵耄念
之寶。如水如鏡。朝日輝。研露。即事多所欣。心清
閒妙香。長春園寶。淳化軒寶。石渠寶笈所藏。

御筆仿方從義山水 一卷

〔本幅〕宣紙本。縱八寸一分。橫二尺。潑墨寫山水。款。

方方壺學米家雲山。妙在有意無意。茲亦參於不即離間。庚寅新秋。御筆。鈐寶二。乾隆

〔引首〕

御筆。煙雲潑墨。鈐寶一。乾隆宸翰。

鑒藏寶璽。淳化軒。淳化軒圖書珍秘寶。乾隆宸翰。

信天主人五福五代堂寶八徵耄念之寶吟詠
春風裏几席有餘香落紙烟雲長春園寶淳化
軒寶石渠寶笈所藏

御筆寫生 一卷

〔本幅〕宣紙本。縱八寸一分。橫二尺三寸五分。
水墨畫魚兒牡丹。蝴蝶花。紫萼花。百合花。分
題

江國春風宛然在望。有漆園栩栩自得之趣。
紫燕釵頭。亭亭獨立。花氣渾如百合香。
庚寅新秋。淳化軒寫。每段分鈐寶。叢雲幾暇臨
池。寫生會心不遠。德充符几席有餘香。乾隆

引首

御筆。披華啟秀。鈐寶一乾隆宸翰。

鑒藏寶璽。淳化軒。淳化軒圖書珍秘寶。乾隆宸翰。
信天主人。五福五代堂古稀天子寶。八徵耄念
之寶。天地為師典學勤政長春園寶。淳化軒寶。
石渠寶笈所藏。

御筆畫蘭花 一冊

本幅金粟牋本。八幅縱四寸四分。橫八寸八分。水墨畫蘭分題。

味如同心言。含英可餐。紉蘭為佩。不與衆伍。相於發奇馨。幽谷意。好風與之俱。脩然自遠。庚寅長至月。長春書屋御筆。每幅分鈐寶。幾暇怡情。至味寓澹泊。樂意寓靜觀。几席有餘香。得佳趣。垂露秀色入窓虛。得象外。

意會心不遠。妙意寫清快。幾暇臨池。研露德充。
符筆端造化。寓意于物。心清聞妙香。乾。隆。

鑒藏寶璽五福五代堂古稀天子寶八徵耄念之
寶石渠寶笈所藏

御筆畫水仙 一冊

〔本幅〕宣紙本。八幅。縱四寸四分。橫八寸八分。
設色畫水仙。第三幅七幅八幅水墨分題。

金玉其相。足以儼之。橫斜影固宜。尚友寒梅。

白石粼粼。素心可共晨夕。人間六出花惟

此。其香儷蘭。不必寒芳幽谷。伯牙動操時。

妙會不啻若是。略仿彞齋大意。神清而腴。

庚寅仲冬月。御筆。每幅分鈐寶。叢雲垂露會。

心不遠研露幾暇怡情寫生德充符已有同春
聊以觀生意寓意于物得佳趣抑齋几席有餘
香根柢一誠墨雲乾隆

鑒藏寶璽五福五代堂古稀天子寶八徵耄念之
寶石渠寶笈所藏

御筆畫水仙 一冊

〔本幅〕宣紙本。四幅。縱四寸三分。橫八寸八分。
水墨畫水仙。第三幅。澹設色。分題。

想見洛浦賦成。綽約冰雪姿。非耶。盈盈湘

水春。淨鉛華。辛卯新正。仿元人法。御筆。每

幅分鈐寶。寫生。垂露德充符。凡有同春。叢雲。研
露。得象外意。乾隆宸翰。幾暇臨池。

鑒藏寶璽。五福五代堂古稀天子寶。八徵耄念之

寶石渠寶笈所藏

御臨董其昌仿柳公權書蘭亭詩一卷

本幅宣紙本。縱八寸七分。橫三丈四尺五寸六分。行書。

臨董其昌仿柳公權書蘭亭詩并其昌自跋二則。

見重華宮所藏
蘭亭八柱第七卷。

香光以似誠懸為恨。茲予所仿。又以不似香光為恨。但卷中孫綽詩激字下。又序卉字上。王凝之詩時字下。魏滂詩后字上。世字下。並有關字。

王微之詩末二句。桓偉詩首句。王渙之詩末句。亦闕曹茂之詩。闕標名。因據馮惟訥詩紀校定。即以董法補書之。離者既合。闕者復完。不更為墨禪增一公案乎。辛卯上元後一日。御筆。鈴寶二。乾隆宸翰。幾暇臨池。

香光此帖。向被人截四言五言為兩卷。前後入內府。仍命合成一卷。其委悉見董卷中。燕九日。淳化軒再識。鈴寶二。乾隆。

引首

御筆 迹規離合 鈐寶一乾隆宸翰

鑒藏寶璽 淳化軒 淳化軒圖書珍秘寶 乾隆宸翰
信天主人。五福五代堂古稀天子寶 八徵耄念
之寶。清心抒妙理。新藻發春妍。保泰人情為田。
用筆在心。已有同春。陶冶賴詩篇。筆端造化朝
日輝。中和順積中。半榻琴書落紙雲烟。妙意
寫清快。落花滿地皆文章。月明滿地相思潑墨。

寓意于物。秀色入窓虛。衆花勝處松千尺。叢雲。
長春園寶。淳化軒寶。石渠寶笈所藏。

御臨倪瓚畫譜

一冊

〔本幅〕宣紙本。八幅。縱六寸三分。橫七寸三分。臨倪瓚畫稿。竹樹山石。并題。

雲林此二樹。以將佐行伍為喻。示初學入門之堦。雖成家者亦不能外是也。大樹欲其嫩。小樹欲其老。深得箇中三昧。迂翁亦豈真不拘法度耶。倪迂言寫竹不可求精。嘗作竹枝。觀者問為何樹。此意最宜玩。寫松必須率略而成。

自得天真而多逸趣。倪畫之高。人一等在此。


二石上秀下朴。人皆知之。若皴法雜用古今體。非瓚自言。固未易得其端倪也。半壁下佐以

遠山。局面自覺開展。寥寥數筆中。正爾渾含。無盡咫尺。而有尋丈之勢。不啻一芥子納須彌矣。

此懶石法。懶瓚自言涉古而合於時。固非必欲立異者。石為畫中之體。論最精當。其妙又善於用筆。宜香光之亟賞也。辛卯嘉平月上。

澣御臨并識。每幅分鈐寶。聊以觀生意。化工四
氣為全施。會心不遠。妙意寫清快。愛竹學心虛。
箇中自有玉壺冰。比德朗潤衆花勝。處松千尺
叢雲。烟雲舒卷。幾暇怡情得佳趣。畫禪室中和
洗盡塵氛爽氣來。乾隆宸翰。惟精惟一。靜中觀
造化。

鑒藏寶璽。古希天子。五福五代堂。古稀天子寶。八
徵耄念之寶。石渠寶笈所藏。



御臨米芾尺牘

一冊

〔本幅〕宣紙本。八幅。縱六寸五分。橫七寸三分。
行書。散頓首再拜。後進邂逅長者於此數廁
坐未。款聞議論。下情慰抃。慰抃屬以登舟。即
徑出關。以避交遊。出餞。遂莫遑祇造舟次。其
為瞻慕。曷勝下情。謹附便奉啟。不宣。芾頓知。
府大夫丈。蔡下。昨日陳攬戢戢之勝。鹿得
鹿宜俟之。已約束後生同人。冀不用煩他人。

也。軫之只如平生。十官如到部。未緣面見。欲
罄伸區區也。芾頓首再拜。盛製珍藏榮感。
日夕為相識拉出。遂未得前見寒光之作。固
所願也。一兩日面納次。敬頓。十一月廿五
日。芾頓首啟。辱教天下第一者。恐失了眼目。
但休以相知難却爾。區區思仰不盡言。同官
行。奉數字。草草。芾頓。芾頓首啟。經宿尊候。
沖勝山試納文府。且看芑山暫給一視其背。

即定交也。少頃勿復言。芾頓。真酥一斤。少將微意。欲置些菓實去。又一兵陸行難將。都門有幹示下。酥是胡西輔所送。芾皇恐頓。芾頓首再拜。通判朝請明公閣下。比者大旆行邑。獲望顏色。許立下風。用是寒蹤。知所依託。稍睽侍右。詹系實深。尋承徑之鹽城。比知已還治府。謹奉狀陳情。謝芘不備。芾皇恐蒙惠柑珍。感感。長茂者適用水煮起。甜甚幸。

便試之。餘卜面謝不一。芾頓款。

米芾尺牘八帖。辛卯嘉平上澣御臨。鈐寶二。乾隆。

鑒藏寶璽。五福五代堂古稀天子寶。八徵耄念之寶。意在筆先。石渠寶笈所藏。

御筆淳化軒記一卷

〔本幅〕梅花玉版牋本

有八分書紙印

縱八寸三分橫

二尺六寸三分行書

淳化軒記 淳化軒何為而作也。以藏重刻淳化閣帖石而作也。蓋自伏滔崆峒之銘。石虹堯碑之文。歷代相傳。石刻尚焉。然物有其成。必有其壞。世遠年湮。真偽莫辨。則漢唐且難得其全者。無論周秦以上矣。故言帖必以趙宋為猶近。

而宋帖必以淳化為最美。重刻之由考稽之故
已見於帖前之旨。冊後之跋。茲不復記。記所以
藏石作軒之故云。石刻既成。凡若干頁。使散置
之。慮其有失也。爰於長春園中含經堂之後。就
舊有之迴廊。每廊砌石若干頁。恰得若干廊。而
帖石畢砌焉。廊之中原有蘊真齋。因稍移齋於
其北。即舊基而拓為軒。事起藏帖。則以帖名名
之。夫淳化宋太宗之紀年也。為人君者。即不能

以唐堯虞舜為師。亦當以夏甲周成為軌。所謂
取法乎上。僅能得中耳。若宋太宗始終家國之
間。慙德多矣。吾所不取。而又何慕於淳化而以
之名軒為哉。壬辰清和御筆。鈐寶三游六藝
圖。乾隆。

引首

御筆。寓名蘊古。鈐寶一。乾隆御筆。

鑒藏寶璽。淳化軒。淳化軒圖書珍秘寶。乾隆宸翰。

信天主人。五福五代堂古稀天子寶。八徵耄念
之寶。寫生絜矩。長春園寶。淳化軒寶。石渠寶笈
所藏。

御臨顏真卿麻姑山仙壇記 一冊

〔本幅〕宋紙本。四幅。縱七寸橫八寸一分小楷書。有唐撫州南城縣麻姑山仙壇記。顏真卿撰并書。麻姑者。葛稚川神仙傳云。王遠字方平。欲東之括蒼山。過吳蔡經家。教其尸解。如蛇蟬也。經去十餘年。忽還。語家言七月七日。王君當來。過到。期日。方平乘羽車。駕五龍。各異色。旌旗導從。威儀赫奕。如大將也。

既至。坐須臾。引見經父兄。因遣人與麻姑相問。亦莫知麻姑是何神也。言王方平敬報。久不行民間。今來在此。想麻姑能暫來。有頃信還。但聞其語。不見所使人。曰麻姑再拜不見。忽已五百餘年。尊卑有序。修敬無階。思念久煩。信承在彼。登山顛倒。而先被記。當按行蓬萊。今便暫往。如是便還。還即親觀。願不即去。如此兩時間。麻姑來來時。不先聞人馬聲。既

至。從官當半於方平也。麻姑至。蔡經亦舉家見之。是好女子。年十八九許。頂中作髻。餘髮垂之。至要。其衣有文章。而非錦綺。光彩耀目。不可名字。皆世所無有也。得見方平。方平為起立。坐定。各進行廚。金盤玉杯。無限美膳。皆是諸華。而香氣達於內外。擗麟脯行之。麻姑自言。接待以來。見東海三為桑田。向聞蓬萊水乃淺於往者。會時略半也。豈將復還為陸

陵乎。方平笑曰。聖人皆言海中行復揚塵也。麻姑欲見蔡經母及婦。經弟婦新產數十日。麻姑望見之。已知曰。噫。且止勿前。即求少許米。便以擲之。墮地即成丹砂。方平笑曰。姑故年少。吾了不喜復作此曹狡獪變化也。麻姑手似鳥爪。蔡經心中念言。背蟬時得此爪以把背。乃佳也。方平已知經心中念言。即使人牽經鞭之曰。麻姑者神人。汝何忽謂其爪可以

杞背耶。見鞭著經背。亦不見有人持鞭者。
方平告經曰。吾鞭不可妄得也。大厯三年。真
卿刺撫州。按圖經。南城縣有麻姑山。頂有古
壇。相傳云麻姑于此得道。壇東南有池。中有
紅蓮。近忽變碧。今又白矣。池北下壇傍有杉
松二。皆偃蓋。時聞步虛鐘磬之音。東南有瀑
布淙下三百餘尺。東北有石宗觀。高石中猶
有螺蚌殼。或以為桑田所變。西北有麻源。謝

靈運詩題入華子岡是麻源第三谷恐其處也源口有神祈雨輒應開元中道士鄧紫陽於此習道蒙召入大同殿修功德廿七年忽見虎駕龍車二人執節於庭中顧謂其友竹務猷曰此迎我也可為吾奏願欲歸築本山仍請立廟於壇側元宗從之天寶五載投龍於瀑布石池中有黃龍見元宗感焉乃命增修仙宇真儀侍從雲鶴之類於戲自麻姑發

迹於茲嶺。南真遺壇於龜源。花姑表異於井山。今女道士黎瓊仙年八十而容色益少。曾妙行夢瓊仙而食花絕粒。紫陽姪男曰德誠繼修香火。弟子譚仙巖法錄尊嚴而史元洞左通元鄒鬱華皆清虛服道。非夫地氣殊異江山炳靈則曷由纂懿流光若斯之盛者矣。真卿幸承餘烈敢刻金石而志之時則六年夏四月也。

丁卯冬曾臨一過茲得宋紙及目力腕力尚佳
用澄泥研回氏墨小紫穎復摹此本丁酉初冬
御筆鈐寶二幾暇臨池乾隆宸翰

鑒藏寶璽古希天子五福五代堂古稀天子寶八
徵耄念之寶石渠寶笈所藏

御筆稽古承祥

一冊

〔本幅〕宣德牋本九對幅。每幅縱一尺一寸橫六寸六分。行書。

五世元孫膝上珍。檢茲有幾命儒臣。奏來詳悉翻四庫。特出禎祥得六人。恰彼古稀帝同數。羸其家慶我饒臻。如斯

天貺叨駢疊。忍不勅幾心愛民。命彭元瑞曹文植檢四庫全書古來見元孫者有幾。據奏自唐迄

明凡六人詩以誌事甲辰清和之月御筆鈐寶
二古稀天子之寶猶日孜孜

鑒藏寶璽五福五代堂古稀天子寶八徵耄念之
寶石渠寶笈所藏

御筆旨申闡論 一冊

〔本幅〕宣德牋本。七對幅。每幅縱一尺一寸。橫六寸八分。行書。

開惑昔年著論曾信

天爰以主人稱謂危反用成安屢逮失還資為得仍
事定不堪回首憶途長惟益勵心兢信

天

天眷古稀有顧我何修遇此能 信天主人自箴甲

辰仲夏月。御筆。鈐寶。二古稀天子之寶。猶日孜
孜。

鑒藏寶璽。五福五代堂古稀天子寶。八徵耄念之
寶。石渠寶笈所藏。

御筆情麀見詞

一冊

本幅宣德牋本六對幅每幅縱一尺一寸橫六寸六分行書

古希天子古希詞幻以為欣幻以悲十七男惟
剌斯五好速配早賦其離釋迦曾是說無法尼
父則嘗云未知歸政猶需浹旬歲即今敢憊日
孜孜古希詞甲辰仲夏月御筆鈐寶二古希
天子之寶猶日孜孜

鑒藏寶璽五福五代堂古稀天子寶八徵耄念之
寶石渠寶笈所藏

御筆淳化軒對庭梅作 一卷

本幅粉箋本。縱一尺七分。橫二尺七寸三分。
行書。

淳化軒對庭梅作。盆梅不一足。庭梅北地稀。
南暄北地寒。氣候誰能移。然而有權衡。亦在人
之為。去盆植於庭。棚架護畧施。巧值臘雪優。更
逢春早期。去冬雪澤頻霑。立春又在臘月中旬。故
是以今歲節近清明。御園花即早放。
與南方花信不甚相遠。雖由人工培護。實亦天時湊合也。清明即開花。較南

未大遲。御園隨處有出類。乃在斯斯。為淳化軒
繁英發前墀。朶朶吐芳英。累累重垂枝。雖繁而
弗艷。是謂仙人姿。向陽棚開門。護樹架旁圍。匪
祇憐芳華。其義頗可思。棚為蔽用。道樹乃顯仁。
時互妙在合撰。闡精摘斐詞。按顯仁蔽用之
語。予於讀易繫辭上傳。略見其義。然彼乃重於
鼓萬物而不與去聲之意。以天地無心。聖人有心
也。茲則詠庭梅而及顯仁。蔽用乃重於顯蔽之

意故特申而明之。蓋顯之之仁即藏之之用。顯而無藏一往安窮。藏而無用歸乎寂寞。顯諸仁乾之元也。藏諸用乾之貞也。一闔一闢生生不息。即一梅之顯藏而萬事萬理無不該。致中和而天地位萬物育。亦如是而已矣。乾隆丁未仲春御筆鈐寶三。古稀天子之寶。猶日孜孜學鏡千古。

引首

御筆。理見天心。鈴寶一古希天子。

後幅

御製詩

春寒今歲勒花榮。淳化庭梅却發英。訝看舒風
迎玉砌。悟因護暖罩氈棚。笑羸盆樹枯而苑。屋中
孟梅却幻結山桃弟與兄
近日山桃始開芳譜何須分
次第。儻來七字偶攄情。
辛亥仲春詠軒前庭
梅。御筆鈴寶二八徵耄念之寶。自彊不息。

庭梅自與盆梅異謝却火攻何礙遲猶憶昔年

言理趣顯仁歲用魯於斯

顯之仁即歲之用一

不息也庭前植梅二株冬間圍以毡棚向陽開門春暖則撤棚花發即一梅而顯歲之理可會

丁未淳化軒對庭梅作識語中曾闡其義

今年春冷因通閨最早

山桃亦放遲却是庭梅具深意送行幾朵發英

斯

向年庭梅至春仲已盛開今歲以通閨花信俱遲日內將啟蹕西巡枝頭數朵舒黃如有

然意

壬子季春上澣詠庭梅二首一韻御筆鈐

寶二八徵耄念之寶自彊不息

立春歲運自常度

今年立春在昨歲臘月廿三日為早故庭梅已盛開去歲

立春在正月故梅開亦遲

應節梅開故不遲却看盆中花謝

盡

盆梅則早敗矣

先殘後盛理如斯

淡紅深白難為

平聲色注目憑懷合為

去聲別寓二首一韻之意

遲芳採花心

蜂至集試思彼有孰教斯

萬物生生各適其性隨其時民之不識不

知順帝之則亦如是耳一涉有為便失本來

癸丑仲春庭梅盛開

疊去歲二首一韻御筆鈴寶二八徵耄念之寶

自彊不息

鑒藏寶璽五福五代堂古稀天子寶八徵耄念之
寶長春園寶淳化軒寶寓意于物清吟寄遐思
已亥同春用筆在心石渠寶笈所藏

御臨宋四家詩帖 一冊

本幅高麗牋本。四幅縱四寸三分。橫九寸四分。行書第一幅。此泉何以珍。適與真茶遇。在物兩稱絕。於予獨得趣。鮮香飮下雲。甘滑杯中露。嘗能變俗骨。豈特滌塵慮。晝靜清風生。飄蕭入庭樹。中舍古人意。來者庶冥悟。歟。蔡襄即惠山泉煮茶詩。鈴寶一。几席有餘香。第二幅。大絃春溫和。且平。小絃廉折亮。以清。

平生未識宮與角。但聞牛鳴盎中雉登木。門
前剝啄誰叩門。山僧未閑君莫喚。歸家且覓
千斛水。淨洗從前箏笛耳。歟

蘇軾聽賢師定慧琴詩。鈴寶一研露 第三幅
江東湖北行。畫圖鄂州南樓。天下無高明廣
深勢。抱合表裏江山來。畫閣雪筵披襟夏簟
寒。胸吞雲夢何足言。庾公風流冷似鐵。誰其
繼之方公悅。歟

黃庭堅登鄂州南樓詩。鈴寶一水月兩澈明。

第四幅青松勁挺姿。凌霄恥屈盤。種種出枝葉。牽連上松端。秋花起絳烟。旖旎雲錦殷。不羞不自立。舒光射丸丸。相見吐子效。鶴疑縮頸還。青松本無華。安得保歲寒。欸

米芾擬古詩。御臨鈴寶二乾隆。

鑒藏寶璽五福五代堂。古稀天子寶。八徵耄念之。寶石渠寶笈所藏。

御臨宋四家尺牘 四冊

〔本幅〕金粟牋本四冊。每冊四幅。均縱四寸二分。橫八寸四分。行書。襄啟數日前遣使持書。檠戟之下。輒邀行舸。光臨弊境。計已通達。當直未審。尊懷如何。惠然一來。殊為佳事。蒙書并海物。多感多感。謹奉手啟。上聞。不宣。襄上賓客七兄執事。襄得足下書。極思詠之。懷在杭留兩月。今方得出關。歷賞劇醉。不可勝。

計亦一春之盛事也。知官下與郡侯情意相通。此固可樂。唐侯言五白。今歲為游閨所勝。大可怪也。初交時景清和。願君侯自壽為佳。通理當世也。田足下款。

蔡襄尺牘。御臨鈐寶。二古稀天子之寶。猶日孜

孜

第一冊

軾啟。新歲未獲展慶。祝頌無窮。稍晴

起居何如。數日起造。必有涯。何日果可入城。昨日得公擇書。過上元乃行計。月末間到此。

么亦以此時來如何如何竊計上元起造尚未畢工軾亦自不出無緣奉陪夜游也此中有一鑄銅匠欲借所收建州木白子并椎試令依樣造看無適有閩中人便或令看過因往彼買一副也乞暫付去人專愛護便納上餘寒更乞保重冗中恕不謹軾再拜李常先生丈閣下正月二日款

蘇軾尺牘御臨鈐寶同前

第二冊

惟清道人

本貴部人其操行知識今江西叢林中未見其匹亞。昨以天覺堅欲以觀音召之。難為不知者道。因勸渠自往見天覺。果已得免。天覺留渠府中。過夏想秋初即歸。過邑可邀與款曲。其人甚可愛敬也。或聞清欲於舊山高居築菴獨往。不知果然否。得渠書頗說後來草堂少淹留也。嘉州趙肯堂頃過施州清江而識之。學問之士而不懈為吏及問其里人本

客寄孤立。而能自奮。仰祿以事其父母也。歟。

黃庭堅尺牘。御臨。鈐寶同前。

第三

帝。丞。徒。如。

禁旅嚴肅。過州郡。兩人並行。寂無聲。功皆省。三日。先子蒙張都太鮑提倉呂提舉壕寨左藏。皆以為諸邑第一。功夫想聞左右。若得此十二萬夫自將。可勒賀蘭。不妄不妄。帝皇恐。歔頓首再拜。後進。邂逅長者。於此數厠坐。未。歟。聞議論。下情慰拊。慰拊。屬以登舟。即徑。

出關以避交遊出餞遂莫遑祇造舟次其為
瞻慕曷勝下情謹附便奉啟不宣希頓知府
大夫丈榮下款

米芾尺牘御臨鈐寶同前

冊第四

鑒藏寶璽石渠寶笈所藏

御臨宋高宗書曹植洛神賦 一冊

本幅高麗戔本八幅縱四寸四分橫八寸八

分草書洛神賦

起余從京城至翳修袖以延作見乾消宮所藏宋人

臨顧愔之洛神賦圖卷 款

節宋高宗書洛神賦御臨鈐寶二乾隆

鑒藏寶璽五福五代堂古稀天子寶八徵耄念之

寶石渠寶笈所藏

御筆節臨孫虔禮書譜 一冊

本幅 金粟牋本。八幅。縱四寸四分。橫八寸八分。草書。

臨孫虔禮書

起夫潛神對奕。至輒效所明。見款重華宮所藏趙孟頫書書譜卷

節孫過庭書譜。御臨。鈐寶三。乾隆樂服臨池。

鑒藏寶璽。五福五代堂古稀天子寶。八徵耄念之寶。石渠寶笈所藏。

御書劉禹錫陋室銘 一卷

〔本幅〕宣德牋本。縱八寸。橫二尺三寸五分行。
書。山不在高。有仙則名。水不在深。有龍則
靈。斯是陋室。惟吾德馨。苔痕上階綠。草色入
簾青。譁笑有鴻儒。往來無白丁。可以調素琴。
閱金經。無絲竹之亂耳。無案牘之勞形。南陽
諸葛廬。西蜀子雲亭。孔子云。何陋之有。歟。
劉禹錫陋室銘。御筆。鈐寶二。乾隆御筆。搗藻為

春。

引首

御筆。有味其言。鈐寶一。乾隆御筆。

鑒藏寶璽。淳化軒。淳化軒圖書珍秘寶。乾隆宸翰。
信天主人。五福五代堂寶。八徵耄念之寶。天地
一家春。入眼秋光盡是詩。長春園寶。淳化軒寶。
石渠寶笈所藏。

御臨王羲之蘭亭詩叙一卷

本幅 灑金牋本。縱八寸。橫三寸一寸。行書。

臨蘭亭叙

起筆賢畢至。至感慨係之者。見
清宮所藏。御臨董其昌臨王羲之

蘭亭詩款
序冊

臨王羲之蘭亭叙。鈐寶二。寓意于物。慎修思永。

引首

御筆。寄興臨流。鈐寶一。乾隆宸翰。

鑒藏寶璽。淳化軒淳化軒圖書珍秘寶。乾隆宸翰。

信天主人。五福五代堂古稀天子寶。八徵耄念之
寶。墨雲寓意于物。長春園寶。淳化軒寶。石渠寶
笈所藏。

御臨徐鉉書急就篇一卷

本幅灑金牋本。縱七寸。橫三尺三寸三分。草

書急就篇。

起宋延年至偏呂張。見寧壽宮。御臨趙孟頫書急就篇卷。

款

臨徐鉉急就篇。鈐寶一。廣闊四門聰。

引首

御筆。胚胎古隸。鈐寶一。乾隆御筆。

鑒藏寶璽。淳化軒。淳化軒圖書珍秘寶。乾隆宸翰。

信天主人。五福五代堂寶。八徵耄念之寶。追琢
其意。人情為田。長春園寶。淳化軒寶。石渠寶笈
所藏。

御臨徐浩書道經 一卷

本幅灑金牋本。縱八寸。橫一尺三寸三分。楷書。道沖而用之。或不盈。淵乎似萬物之宗。挫其銳。解其紛。和其光。同其塵。湛兮似或存。吾不知誰子。象帝之先。道常無為。而無不為。侯王若能守。萬物將自化。化而欲作。吾將鎮之以無名之樸。無名之樸。亦將不欲。不欲以靜。天下將自正。款。

臨徐浩書道經。鈐寶一。涵虛朗鑒修辭立誠。

引首

御筆。渴驥同塵。鈐寶一。乾隆宸翰。

鑒藏寶璽。浮化軒。浮化軒圖書珍秘寶。乾隆宸翰。
信天主人。五福五代堂古稀天子寶。八徵耄念
之寶。垂露筆。花春雨。長春園寶。浮化軒寶。石渠
寶笈所藏。

御臨米芾尺牘 一卷

〔本幅〕宣紙本。縱八寸一分。橫二尺九寸。行書。臨米芾後進帖。歡頓首再拜。後進邂逅長者於此。數廁坐末。款間議論。下情慰抃。慰抃屬以登舟。即徑出關。以避交遊。出錢遂莫。還祇造舟次。其為瞻慕。曷勝下情。謹附便奉啟。不宣。歡頓首再拜。知府大夫丈。榮下。款。

乾隆御臨。鈐寶三。游六藝圃。乾隆宸翰。琴書道。

趣生。

引首

御筆。契情海嶽。鈐寶一。乾隆御筆。

鑒藏寶璽。淳化軒。淳化軒圖書珍秘寶。乾隆宸翰。
信天主人。五福五代堂古稀天子寶。八徵耄念
之寶。清吟寄遐思。中和。長春園寶。淳化軒寶。石
渠寶笈所藏。

御臨王庭筠詩帖 一卷

〔本幅〕灑金牋本。縱八寸一分，橫一尺八寸七分。行書。塊北有同色雪深雲未開。終南晴夜月。髣髴似登臺。樓閣明丹堊。杉松振老髯。僧迎方擁帚。茶細旋探簷。歟。

臨王庭筠詩帖。鈐寶一。亮天工。

〔引首〕

御筆。想其雄快。鈐寶一。乾隆宸翰。

鑒藏寶璽淳化軒淳化軒圖書珍秘寶乾隆宸翰
信天主人五福五代堂古稀天子寶八徵耄念
之寶修辭立誠半榻琴書長春園寶淳化軒寶
石渠寶笈所藏

御筆畫冬卉 一卷

〔本幅〕宣紙本。縱七寸一分。橫五尺四寸。水墨畫。一天竺。二蘭。三山茶。四水仙。五梅花。分題珠寶離離。竺乾本來面目。溫室中謁然春欲。冰梅雪竹間。寄此幽艷。羣真雅操。彷彿於綠綺間遇之。疎影一枝。想見衝寒山意。冬卉數種。長至月朔日。雪中乘興促就。每段分鈐寶畫禪室情賞為媿。愛竹學心虛垂露秀色入。

窻虛叢雲几席有餘香墨雲乾隆筆端造化攝藻為春附臣工恭題

雪裏欣看紫紫紅金壺墨滿驅天工箇中驚嶺西來意佛果都承長養風臣蔣溥

敬題鈴印二臣溥學畫傳來九畹裏芳叢窈窕依然礪谷中自抱國香凌雪色早看

春殿轉光風臣汪由敦敬題鈴印二臣由敦敬書

朵朵幽姿貯赤盤花開玉茗不知寒

化工落墨傳生意漫與施朱一例看臣介福敬題鈴印二臣介福

碧玉叢叢幾寸強花高於葉透寒香一從太筆摹清豔傳出神仙冰雪腸臣觀保敬題鈴印

二。臣。觀。保。古。然。生。香。起。墨。池。珠。璣。盈。手。發。春。姿。六。花。恰。
綴。瑤。臺。景。天。上。為。傳。第。一。枝。臣。于。敏。中。敬。題。鈐。印。二。臣。敏。中。

引首

御筆。蘊素生春。鈐寶一。乾隆宸翰。

鑒藏寶璽。淳化軒。淳化軒圖書珍秘寶。乾隆宸翰。
信。天。主。人。五。福。五。代。堂。古。稀。天。子。寶。八。徵。耄。念。
之。寶。筆。端。造。化。抑。齋。長。春。園。寶。淳。化。軒。寶。石。渠。
寶。笈。所。藏。

[illegible]

御臨皇象文武帖 一軸

本幅粉牋本。縱一尺九寸八分。橫一尺二寸六分。章草書。文武將隊。乃俾俊臣。整我皇綱。董此不虔。古君子即戎忘身。昭其果毅。尚其桓桓。師尚七十。氣冠三軍。詩人作歌。如鷹如鷂。天有泰一。五將三門。款。

臨皇象文武帖。鈐寶二。烟雲無盡藏。乾隆宸翰。鑒藏寶璽。石渠寶笈所藏。

御臨王羲之邱令帖 一軸

本幅金粟牋本。縱一尺七寸一分。橫七寸九

分。草書。

臨王羲之丘令帖。丘令送此宅圖云。可得卅畝。爾者為佳。可與水丘共行視。佳者決便當取。問其賈。謝生多在山下。不復見。且得書。疾惡冷耿耿。想數知問。雖得還。不能數。可歎。不審比出日。集聚不。一爾緬然。恐東旋未期。諸情罔

款

御臨鈐寶二。乾隆。

鑒藏寶璽五福五代堂古稀天子寶八徵耄念之
寶石渠寶笈所藏

御臨王羲之穆松帖 一軸

本幅 金粟牋本。縱一尺七寸。橫八寸三分行

書。

臨王羲之穆松帖。伏想嫂安和。自下悉佳。松上下
至。乖隔十八年。復得一集。且悲且慰。何指喻
嫂疾至篤。憂懷甚深。穆松難為情地。自至猶
小差。然故勿勿。冀得涼漸利耳。深可耳。力數
字。王羲之頓首款。

御臨鈐寶二。搗藻為春。乾隆御筆。


鑒藏寶璽五福五代堂古稀天子寶。八徵耄念之寶。石渠寶笈所藏。

御臨王獻之中秋帖 一軸

〔本幅〕宋牋本。縱二尺一寸三分。橫一尺四寸九分。行書。中秋不復不得相還為即甚省。如何然勝人何慶等大軍。款。

臨王獻之中秋帖。鈐寶二。陶冶性靈。契理在寸心。

〔鑒藏寶璽〕古希天子。石渠寶笈所藏。



御臨褚遂良書枯樹賦 一軸

本幅灑金牋本。縱一尺五寸二分。橫一尺一寸。行書。

節臨枯樹賦

起昔之三河徙植。至扶風則長松繫馬。見養心殿所藏。御臨褚

遂良枯樹賦卷款。

臨褚遂良枯樹賦。鈐寶二。性根理窟。資探源化。工四氣為全施。

鑒藏寶璽。石渠寶笈所藏。



御臨蘇軾尺牘一軸

本幅蠟牋本。縱三尺二寸橫一尺八分。行書。
軾奉寄若虛總管賢弟。比因蘇兵回。附書
必徹矣。秋氣漸涼。伏想動履之勝。貴聚均慶。
軾于闕方下三數日。或聞成在旦暮耳。續公
時有美言。必稱吾弟。相禱外。除了須有二三
思光遠。每見賓客盈坐。不曾得發一語也。相
望三數舍。莫能瞻晤。臨風浩然。益冀眠食增

愛不宣。軾書奉若虛總管賢弟。款。

臨蘇軾若虛總管尺牘。鈐寶三。德惟一。讀聖賢
書。文章有神交有道。

鑒藏寶璽。石渠寶笈所藏。

御臨黃庭堅書跋 一軸

本幅灑金牋本縱二尺四寸二分橫一尺四寸行書東坡此詩似李太白猶恐大白有未到處此書兼顏魯公楊少師李西臺筆意試使東坡復為之未必及此它日東坡或見此書應笑我於無佛處稱尊也款

黃庭堅書跋御臨鈐寶二乾隆宸翰惟精惟一

鑒藏寶璽古希天子石渠寶笈所藏

御臨鮮于樞書羅鄴詩一軸

本幅粉牋本。縱一尺七寸。橫一尺。草書。羅鄴
水簾洞詩。亂泉飛下翠屏中。似共真珠巧
綴同。一片長垂今與古。半天遙聽水無風。雖
無舒卷隨人意。自有潺湲濟物功。每向暑天
來往見。擬將僊子隔房櫳。款。

臨鮮于樞書羅鄴詩。鈐寶二。乾隆宸翰。琴書道
趣生。

鑒藏寶璽石渠寶笈所藏

御臨董其昌書謝賜春衣表 一軸

本幅宣德牋本。縱三尺六寸五分。橫一尺二寸五分。行楷書。臣某言。中使陳日華至。伏奉聖旨。慰勞臣及將佐官吏僧道耆壽百姓等。并賜臣墨詔及春衣兩副。大將軍衣四副。王人捧詔。御府降衣。寵光不隔於遐藩。慶賜猥霑於裨將。臣素乏器能。謬膺驅使。每慙效薄。常懼食浮。陛下覃以至仁。均其厚施。宰元

和而布澤。順時律以頒衣。出自禁中。貢於臣下。執領繪而抃舞。失次被纖。柔而顧眄。增輝舉體。動容既安。且吉在身。不稱。恐招鷩翼之譏。居位無功。叨受鵲紋之賜。歎。

劉賓客謝賜春衣表。御臨其昌。鈐寶二。乾隆。

鑒藏寶璽。石渠寶笈所藏。

御筆墨竹 一軸

〔本幅〕宣德牋本。縱一尺二寸。橫八寸。水墨畫竹款。

池上居。寫鈴寶三。乾隆筆。枕春雨。

鑒藏寶璽。五福五代堂古稀天子寶。八徵耄念之寶。石渠寶笈所藏。

